

PM terima kunjungan hormat Putera Mahkota Abu Dhabi

m/s: 8

BH - 31/7/2019

Putrajaya: Perdana Menteri, Tun Dr Mahathir Mohamad, semalam menerima kunjungan hormat Putera Mahkota Abu Dhabi dan Timbalan Komander Tertinggi Angkatan Tentera Emiriah Arab Bersatu (UAE), Sheikh Mohamed Zayed Al Nahyan.

Pertemuan itu berlangsung di Pejabat Perdana Menteri di Bangunan Perdana Putra, Putrajaya.


Kunjungan hormat itu adalah sebahagian program dalam rangka lawatan khas sehari baginda ke Malaysia bersempena istiadat per-

tabalan Seri Paduka Baginda Yang di-Pertuan Agong ke-16, Al-Sultan Abdullah Ri'ayatuddin Al-Mustafa Billah Shah.

Kementerian Luar, dalam kenyataan, memaklumkan lawatan khas itu memberi dorongan baharu dan pengukuhan seterusnya hubungan persahabatan yang sedia wujud antara kedua-dua negara.

Kementerian Luar turut menyatakan bahawa ia menjadi bukti kepada aspirasi kedua-dua negara untuk memperkukuh hubungan dua hala.

BERNAMA



Dr Mahathir menerima kunjungan hormat Sheikh Mohamed Zayed di Perdana Putra, semalam.

(Foto BERNAMA)